

四庫全書

集部

欽定四庫全書

集部

御定全唐詩卷五百九十四至

七

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官中書臣陸 湘

騰錄監生臣張光熙

欽定四庫全書

御定全唐詩卷五百九十四

儲嗣宗

儲嗣宗大中十三年登進士第詩一卷

登蕪城

昔人登此地丘壘已前悲今日又非昔春風能幾時

滄浪峽

一作儲光義詩

滄浪臨古道道上石成塵自有滄浪峽誰為無事人

垓城一作

下

百戰未言非孤軍
驚夜圍山河意氣盡
淚濕一作美人

衣

南陂遠望

閒門橫古塘
紅樹已驚霜
獨立望秋草
野人耕夕陽
孤烟起蝸舍
飛鷺下漁梁
唯有田家事
依依似故鄉

宿玉簫宮

塵飛不到空
露濕翠微宮
鶴影石橋月
簫聲松殿風
綠

毛辭世女白髮入壺翁借問燒丹處桃花幾遍紅

晚眺徐州延福寺

杉風振旅塵晚景藉芳茵片水明在野萬花深見人靜
依歸鶴思遠惜舊山春今日惜一作誰攜手寄懷吟白蘋

宿甘棠館

塵跡入門盡悄然江海心水聲巫峽遠山色洞庭深風
桂落寒子嵐烟凝夕陰前軒鶴歸處蘿月思沈沈

和茅山高拾遺憶山中雜題五首

山泉

香味清機仙府回縈紆亂石便流梧春風莫泛桃花去

恐引凡

一作漁

人入洞來

巢鶴

千萬

一作歲

雲間丁令威殷勤仙骨莫先飛若逢茅氏傳

消息貞白先生不久歸

胡山

犬入五雲音信絕鳳樓凝碧悄無聲焚香古洞步虛夜

露濕松花

一作枝

空月明

小樓

松杉風外亂山青
曲几焚香對石屏
空憶一作記得去年春
雨後燕泥時污太玄經

山鄰

石橋春澗已歸遲
夢入仙山山不知
柱史從來非俗吏
青牛道士莫相疑

送道士

冷然御風客與道自浮沈黃鶴有歸語白雲無忌心藥
爐經月淨天路入壺深從此分杯後相思何處尋

宿山館

寂寞對衰草地涼凝露華蟬鳴月中樹風落客前花山
館無宿伴秋琴初別家自憐千萬里筆硯寄生涯

入浮石山

斜日出門去殘花已過春鳥聲穿葉遠虎跡渡溪新入
洞幾時路耕田何代人自慚非避俗不敢問迷津

送人歸故園

遠節慘言別，況予心久違。
從來憶家淚，今日送君歸。
野路正風雪，還鄉猶布衣。
里中耕稼者，應笑讀書非。

得越中書

芳草離離思悠悠，春夢餘池亭千里。
烟水一封書，詩想懷康樂，文應弔子胥。
扁舟戀南越，豈獨為鱸魚。

秋墅

欲暮候樵者，望山空翠微。
虹隨餘雨散，鷓帶夕陽歸。
窮

巷長秋草孤村時擣衣誰知多病客寂寞掩柴扉

哭彭先生

谷口溪聲客自傷那堪嗚咽弔殘陽空階鶴戀丹青影
秋雨苔封白石牀主祭孤兒初學語無媒旅櫬未還鄉
門人遠赴心喪夜月滿千山舊草堂

和顧非熊先生題茅山處士閒居

歸耕地肺絕塵喧匣裏青萍未報恩濁酒自憐終日醉
古風時得野人言鳥啼碧樹閒臨水花滿青山靜掩門

唯有階前芳草色年年惆悵憶王孫

長安懷古

禍稔蕭牆終不知生人力屈盡邊陲
赤龍已赴東方暗黃犬徒懷上蔡悲
面缺崩城山寂寂土埋冤骨草離離
秋風解怨扶蘇死露泣烟愁紅樹枝

過王右丞書堂二首

澄潭昔臥龍章句世為宗獨步聲名在
千巖水石空野禽悲灌木落日弔清風
後學攀遺址秋山聞草蟲

萬樹影參差石牀藤半垂螢光雖散草鳥跡尚臨池風

雅傳今日雲山想昔時感深蘇屬國千載五言詩

右丞昔陷

賊庭故有此句

孤鴈

孤鴈暮飛急蕭蕭天地秋關河正黃葉消息斷青樓湘
渚烟波遠驪山風雨愁此時萬里道魂夢遶滄洲

贈隱者

盡室居幽谷亂山為四鄰霧深知有術牕靜似無人鶴

語松上月花明雲裏春
生涯更何許尊酒與垂綸

早春懷薛公裕

幽獨自成愚柴門日漸蕪
陸機初入洛孫楚又遊吳
失意怨楊柳異鄉聞鷓鴣
相思復相望春草滿南湖

村月

月午籬南一作邊道前村半隱林
田翁獨歸處蒼麥露花

深

早春

野樹花初發空山獨見時
踟躕歷陽道鄉思滿南枝

送友人遊吳

吳山青楚吟草色異鄉心
一酌水邊酒數聲花下琴
登樓舊國遠探穴九疑深
更想逢秋節那堪聞夜砧

贈別

蘭澤傷秋色臨風遠別期
東城草雖綠南浦柳無枝
直道豈易枉暗投誰不疑
因君問行役有淚濕江蘼

經故人舊居

萬里訪遺塵鶯聲淚濕中古書無主散廢宅與山鄰宿
草風悲夜荒村月弔人淒涼問殘柳今日為誰春

隨邊使過五原

偶逐星車犯虜塵故鄉常恐到無因五原西去陽關廢
日漫平沙不見人

春懷寄秣陵知友

廬江城外柳堪攀萬里行人尚未還借問景陽臺下客
謝家誰更臥東山

宋州夜月感懷

鴈池衰草露霑衣
河水東流萬事微
寂寞青陵臺上月
秋風滿樹鵲南飛

吳宮

荒臺荆棘多忠諫
竟如何細草迷宮巷
閒花悞綺羅前
溪徒自綠子夜不聞歌
悵望清江暮悠悠東去波

春遊望仙谷

清無車馬塵深洞
百花春雞犬疑霑
藥耕桑似避秦
登

山採樵路臨水浣紗人若得心無事移家便卜鄰

聖女祠

石屏苔色涼流水遶祠堂巢鵲疑天漢潭花似鏡妝神
來雲雨合神去蕙蘭香不復聞雙佩山門空夕陽

宿范水

行人倦遊宦秋草宿湖邊露濕芙蓉渡月明漁網船寒
機深竹裏遠浪到門前何處思鄉甚歌聲聞採蓮

送顧陶校書歸錢塘

清苦月偏知南歸瘦馬遲橐輕緣換酒髮白為吟詩水
色西陵渡松聲伍相祠聖朝思直諫不是挂冠時

題雲陽高少府衙齋

一本無衙齋二字

大隱能兼濟軒牕逐勝開遠含雲水思深得棟梁材吏
散山逾靜庭間鳥自來更憐幽砌色秋雨長莓苔

御定全唐詩卷五百九十四

欽定四庫全書

御定全唐詩卷五百九十五

于武陵

于武陵會昌時人詩一卷

通考大中進士

早春山行

江草暖初綠雁行皆北飛
異鄉那久客野鳥尚思歸
十載過如夢素心應已違
行行家漸遠更苦得書稀

宿友生林居因懷賈區

繞屋樹森森多棲紫閣禽暫過當永夜微得話前心入
楚行應遠經湘恨必深那堪對寒燭更賦別離吟

贈賣松人

入市雖求利憐君意獨真劇一作欲將寒澗樹賣與翠樓
人瘦葉幾經雪淡花應少春長安重桃李徒染六街塵

友人南遊不回因而有寄

相思春樹綠千里亦一作各依依鄴杜月頻滿瀟湘人未
一作不歸桂花風半落烟草蝶雙飛一別無消息水南車

蹤一作跡稀

送鄴縣董明府之任

南北行已久，憐君知苦辛。
萬家同草木，三載得一作返陽

春東道聽遊子夷門歌，
主人空持語相送，應怪不沾巾。

山上樹一作桂

日暖上山一作峰，路鳥啼知已一作幾。
春忽逢幽隱處一作樹

如見獨醒人，石冷開常一作花。
晚風多落亦一作葉，頻樵夫

應不識歲久伐為薪

長信宮二首

簾涼

一作清

秋氣

一作夜

初長信恨何如拂黛月生指解

一作

理

鬟雲滿梳一從悲畫扇幾度泣前魚坐聽南宮樂涼

風搖翠裾

一失輦前恩綺羅生暗塵惟應深夜月獨伴向隅

一作愁

人長信翠蛾老

一作較故

昭陽紅粉新君心似秋節不使草

長春

洛陽道

浮世若浮雲，干回故復新。
旋添青草塚，更有白頭人。
歲暮容一作客將老，雪一作雲晴山欲春。
行行車與馬一作馬客，不盡洛陽城。

東門路

東門車馬路，此一作北路在一作有。
浮沈白日若不落一作不西。

沒紅塵應更深，從來名一作多利地一作計。
皆起一作見是。

非心一作起，所以青青草。
年年生漢陰。

江樓春望

樓下長江路舟車畫

一作畫

不聞鳥聲非故國春色是他

山一望雲復水幾重河與關愁心隨落日萬里各

一作為

西還

洛中晴望

九陌盡風塵囂囂晝復昏古今人不斷南北路長存葉

落上陽樹草衰金谷園亂鴉歸

一作來

未已殘

一作斜

日半

前村

西歸

不繫與舟閒悠悠吳楚間羞將新白髮却到

一作去
一作對舊

青山一葉忽離

一作初飛

樹幾人同入關長安家尚

一作有家在

秋至又西還

南遊

窮秋幾日雨處處生蒼苔舊國寄書後涼天方雁來露
繁山草濕洲暖水花開去盡同行客一帆猶未回

南遊有感

杜陵無厚業不得駐車輪重到曾遊處多非舊主人東

風千嶺

一作里

樹西日一洲蘋又

一作好

渡湘江去

一作湘水

瀟

湘江

一作瀟湘

水復春

夜泊湘江

北風吹楚樹此地獨先秋何事屈原恨不隨湘水流涼

天生片

一作半

月竟夕伴孤舟一作南行客無成空白頭

客中

楚人歌竹枝遊子淚沾衣異國久為客寒宵頻

一作方夢

歸一封書未返千樹葉皆飛南過

一作度

洞庭水更應消

息稀

夜尋僧不遇

一作夜尋僧
僧遊山未歸

數歇度烟水漸非塵俗間
泉聲入秋寺月色遍寒山
石路幾回雪竹房猶閉關
不知雙樹客何處與一作伴雲間

訪道者不遇

一作訪
僧不遇

人間惟此路

一作
道

長得

一作
獨長

綠苔衣及戶無行跡
遊方

應未歸平生無

一作
何

限事到此盡知非
獨倚松門久陰

雲昏翠微

贈王隱者山居

一作贈
隱者

石室掃無塵人寰與此分飛來南浦樹半是華山雲浮

世幾多事先

一作此

生應不聞寒山

一作川

滿西日空照雁

成羣

寄北客

窮邊足風慘何處醉樓臺家去幾

一作數

千里月圓十二

回寒阡

一作雲山

隨日遠雪路向城開遊子久無信年年空

雁來

寄友人

長安清渭東遊子跡重重此去紅塵路難尋君馬蹤昔

時輕一別漸老貴相逢應戀嵩陽住

一作好

嵩陽饒

一作有

古松

夜與故人別

白日去難駐故人非舊容今宵一別後何處更

一作再一作復

相逢過楚水千里到秦山幾

一作萬

重語

一作話

來天又

一作

未曉月落滿城鐘

別故

一作友人

行子與秋葉各隨南北風雖非千里別還阻一宵

一作歡

同過盡少年日尚如長轉

一作路

蓬猶為布衣客羞入故

關中

送客東歸

一聽遊子歌秋計覺

一作殘

蹉跎四海少平地

一作路

百川

無定波共驚年已暮俱向客中多又駕征輪去東歸事

一作將若何

過侯王故第

過此一酸辛行人淚有痕
獨殘新碧樹猶擁舊朱門
歌歇雲初散簷空燕尚存
不知彈鋏客何處感新恩

孤雲

南北各萬里有雲一作時
心更閒因風離海上伴月到人

間洛浦少高一作佳
樹長安無舊山
裴回不可駐漠漠又

空一作更東還

遠水

悔作望南浦望中生遠愁因知人易老一作感為有一作惟見

水東一作長流欲附故鄉信不逢歸客舟萋萋兩岸草又

度一年秋

詠蟬一作客中
聞早蟬

江頭一聲起芳歲已難留聽此高林一作樹枝上遙知故

國秋應催風落葉似一作亦勸客回舟不是新蟬苦年年

自有愁

感情

青山長寂寞南望獨高歌四海故人盡九原新一作青壠

一作塚多西沈浮世日東注逝川波不使年華駐此生能

一作看幾何

早春日山居寄城郭知己

陽和潛發蕩寒陰便使川原景象新
入戶風泉聲澑澑當軒雲岫色沈沈
殘雲帶雨輕飄雪嫩柳含烟小綻金
雖有眼前詩酒興遨遊爭得稱閒心

勸酒

勸酒金屈卮滿酌不須辭
花發多風雨人生足別離

感懷

一作感情 以下
一本俱作于鄴詩

東風吹草色空使客蹉跎
不設太平險更應遊子多幾

傷

一作
觴

行處淚

一作
酒

一曲醉中歌盡向青門外
東隨渭

水波

友人亭松

俛仰不能去如逢舊友同
曾因春雪散見在華山中
何處有明月訪君聽遠風
相將歸未得各占石巖東

遊中梁山

僻地好泉石何人曾陸沈不知青嶂外更有白雲深因
此見喬木幾回思舊林慙慙猿與一作鳥惟我獨何心

尋山

到此絕車輪萋萋草樹春青山如有利白石亦成塵水
濶應無路松深不見人如知巢與許千載跡猶新

宿江口

南渡人來絕喧喧雁滿沙自生江上月長有客思家半

夜下霜岸北風吹荻花自驚歸夢斷不得到天涯

秋夜達蕭關

擾擾浮

一作遊

梁路人忙月自閒去年為塞客今夜宿蕭

關辭國幾經歲望鄉空見山不知江葉下又作布衣還

斜谷道

亂峰連疊嶂千里綠莪莪蜀國路如此遊人車亦過遠
烟當葉斂驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛間遠為千里客來度百牢關帆

影清江水鈴聲碧草山不因

一作貧

名與利爾我

一作我爾

各

應聞

客中覽鏡

何當開此鏡即見髮如絲白日急於水一年能幾時每
逢芳草處長返故園遲所以多為客蹉跎欲怨誰

長安逢隱者

征車千里至碾遍六街塵向北有營地忽逢無事人昔

時顏未改浮世路多新且脫衣沽酒終南山欲春

與僧話舊

草堂前有山一見一相寬處世貴僧靜青松因歲寒他
山逢舊侶盡日話長安所以閒行跡千回遶藥欄

贈王道士

日日市朝路何時無苦辛不隨丹竈客終作白頭人浮
世度千載桃源方一春歸來華表上應笑北邙塵

匣中琴

世人無正心，蟲網匣中琴。何以經時廢，非為娛耳音。獨
令高韻在，誰感隙塵深。應是南風曲，聲聲不合今。

過洛陽城

古來利與名俱在，洛陽城九陌鼓初起。萬車輪已行周，
秦時幾變伊洛水。猶清二月中橋路，烏啼春草生。

望月

一作客
中月

離家凡幾宵，一望一寥寥。新魄又將滿，故鄉應漸遙。獨
臨彭蠡水，遠憶洛陽橋。更有乘舟客，悽然亦駐橈。

王將軍宅夜聽歌

朱檻滿

一作鋪

明月美人歌落梅忽驚塵起處疑有鳳飛

來一曲聽初徹幾年愁暫開東南正雲雨不得見陽臺

長信

一作春宮

莫問

一作訪

古宮名古宮空有

一作古

城惟

一作只

應東去水

不改舊時聲

高樓

遠天明月出照此誰家樓上有羅衣裳

一作色

涼風吹不

休

御定全唐詩卷五百九十五

欽定四庫全書

御定全唐詩卷五百九十六

司馬扎

高棟品
彙作禮

司馬扎大中時詩人詩一卷

感古

九折無停波三光如轉燭玄珠人不識徒愛燕趙王祖
龍已深感漢氏遠徇欲驪山與茂陵相對秋草綠

贈王道士

玉洞秋有花蓬山夜無鬼豈知浮雲世生死逐流水瑤
臺歌一曲曲盡五烟起悠然望虛路玉京在海裏青籙
秘不聞黃鶴去不止願隨執輕策往結周太子

古思

春華惜妾態秋草念妾心始知井邊桐不如堂上琴月
落却羨鏡花飛猶妾苔門前長江水一去終不回

獵客

五陵射鵬客走馬占春光下馬青樓前華裾獨煌煌自

言家咸京世族如金張擊鐘傳鼎食爾來八十強朱門
爭先開車輪滿路傍娥娥燕趙人珠箔閉高堂清歌雜
妙舞臨歡度曲長朝遊園花新夜宴池月涼更以馳驟
多意氣事強梁君王正年少終日在長楊

送進士苗縱歸紫邏山居

汝上多奇山高懷愜清境強來干名地冠帶不能整常
為夢歸處泉石寒更靜鶴聲夜無人空月隨松影今朝
拋我去春物傷明景悵望相送還微陽在東嶺

賣花者

少壯彼何人種花荒苑外不知力田苦却笑耕耘輩當
春賣春色來往經幾代長安甲第多處處花堪愛良金
不惜費競取園中最一蕊纔占烟歌聲一作笙歌已高會自
言種花地終日擁軒蓋農夫官役時獨與花相對那令
賣花者久焉生人害貴粟不貴花生人自應泰

彈琴

涼一作深室無外響空桑七弦分所彈非新聲俗耳安肯

聞月落未終曲暗中泣湘君如傳我心苦千里蒼梧雲
古邊卒思歸

有田不得耕身臥遼陽城夢中稻花香覺後戰血腥漢
武在深殿唯思廓寰瀛中原半烽火比屋皆點行邊土
無膏腴閒地何必爭徒令執耒者刀下死縱橫

美劉太保

常愛魯仲連退身得其趣不知鴟夷子更入五湖去雲
霞恣搖曳鴻鵠無低翥萬里天地空清飈在平楚藏名

向寵節辭疾去公務夜盡醉弦歌日高臥烟樹豈嗤生
前樂千載自垂裕論道復論功皆可黃金鑄

蠶女

養蠶先養桑蠶老人亦衰苟無園中葉安得機上絲妾
家非豪門官賦日相追鳴梭夜達曉猶恐不及時但憂
蠶與桑敢問結髮期東鄰女新嫁照鏡弄蛾眉

效陶彭澤

一夢倏已盡百年如露草獨有南山高不與人共老尊

中貯靈味無事即醉倒何必鳴鼓鐘然後樂懷抱輕波
向海疾浮雲歸谷早形役良可嗟唯能徇天道

鋤草怨

種田望雨多雨多長蓬蒿亦念官賦急寧知荷鋤勞亭
午霽日明隣翁醉陶陶鄉吏不到門禾黍苗自高獨有
辛苦者屢為州縣徭罷鋤田又廢戀鄉不忍逃出門吏
相促隣家滿倉穀鄰翁不可告盡日向田一作天哭

山中晚興寄裴侍御

雷息疎雨散空山夏雲晴南軒對林晚籬落新蛩

一作蟬

鳴白酒一樽滿坐歌天地清十年身未閒心在人間名
永懷君親恩久賤難退情安得蓬邱侶提攜採瑤英

築臺

魏國昔強盛宮中金玉多徵丁築層臺唯恐不巍巍
我結構切星漢躋攀橫綺羅朝觀細腰舞夜聽皓齒歌詎念
人力勞安問黍與禾一朝國既傾千仞堂亦平舞榭衰
柳影歌留草蟲聲月照白露寒蒼蒼故鄴城漢文有遺

美對此清飈生

道中早發

野店雞一聲蕭蕭客車動西峯帶曉月十里猶相送繁
弦滿長道羸馬四蹄重遙羨青樓人錦衾方遠夢功名
不我與孤劍何所用行役難自休家山憶秋洞

滄浪峽

山水聲深水邊山色聚月照秋自清花名春不去似
非人間境又近紅塵路乍入洞中天更移雲外步我殊

惺惺者猶得滄浪趣可以濯吾纓斯言誠所慕

感螢

愛爾持照書臨書嘆吾道青熒一點光曾誤幾人老夜
久獨此心環垣閉秋草

自渭南晚次華州

前樓

一作登

仙鼎原西經赤水渡火雲入村巷餘雨依驛

樹我行傷去國疲馬屢回顧有如無窠鳥觸熱不得住
峩峩華峰近城郭生夕霧逆旅何人尋行客暗中住却

思林丘臥自愜平生素勞役今若茲羞吟招隱句

近別

咫尺不相見便同天一涯何必隔關山乃言傷別離君
心與我心脈脈無由知誰堪近別苦遠別猶有期

江上秋夕

茂陵歸路絕誰念此淹留極目月沈浦苦吟霜滿舟孤
猿啼後夜久客病高秋欲寄鄉關恨寒江無北流

送歸客

多才與命違末路隱柴扉白髮何人問青山一劍歸晴
烟獨鳥沒野渡亂花飛寂寞長亭外依然空落暉

東門晚望

青門聊極望何事久離羣芳草失歸路故鄉空暮雲信
回陵樹老夢斷灞流分兄弟正南北鴻聲堪獨聞

上巳日曲江有感

萬花明曲水車馬動秦川此日不得意青春徒少年晴
沙下鷗鷺幽汀生蘭茝向晚積歸念江湖心渺然

宿壽安甘棠館

行人方倦役到此似還鄉
流水來關外青山近洛陽
溪雲歸洞鶴松月半軒霜
坐恐晨鐘動天涯道路長

送友人下第東遊

出門皆有託君去獨何親
闕下新交少天涯舊業貧
烟寒嶽樹暝雪後嶺梅春
聖代留崑玉那令愧郗詵

山齋會別

春草平陵路荷衣醉別離
將尋洛陽友共結洞庭星

月半山盡天雞出海遲無輕此分手他日重相思

曉過伊水寄龍門僧

龍門樹色暗蒼蒼伊水東流客恨長病馬獨嘶殘夜月
行人欲渡滿船霜幾家烟火依村步何處漁歌似故鄉
山下禪菴老師在願將形役問空王

送孔恂入洛

洛陽古城秋色多送君此去心如何青山欲暮惜別酒
碧草未盡傷離歌前朝冠帶掩金谷舊遊花月經銅駝

行人正苦奈分手日落遠水生微波

觀郊禮

鐘鼓旌旗引六飛玉皇初著畫龍衣
泰壇烟盡星河曉萬國心隨彩仗歸

宮怨

柳色參差掩畫樓晚鶯啼送滿宮愁
年年花落無人見空逐春泉出御溝

南徐夕眺

行吟向暮天何處不悽然岸影幾家柳笛聲何處船樓
流一作分瓜步月烏入秣陵烟故里無人到鄉書誰為傳

題清上人

古院閉松色入門人自閒罷經來宿烏支策對秋山客
念蓬梗外禪心烟霧間空憐濯纓處階下水潺潺

塗中寄薛中裕

貧交千里外失路更傷離曉淚芳草盡夜魂明月知空
山連野外寒鳥下霜枝此景正寥落為君玄髮衰

白馬津阻雨

津樹蕭蕭旅館空
看疎葉繞堦紅
故鄉千里楚雲外
歸雁一聲烟雨中
漳浦病多愁易老
茂陵書在信難通
功名儻遂身無事
終向溪頭伴釣翁

秋日懷儲嗣宗

故人北遊久不回
塞鴈南渡聲何哀
相思聞鴈更惆悵
却向單于臺下來

夜聽李山人彈琴

瑤琴夜久弦秋清楚客一奏湘烟生曲中聲盡意不盡
月照竹軒紅葉明

隱者

松間開一徑秋草自相依終日不冠帶空山無是非投

綸一作輪

溪鳥伴曝藥谷雲飛時向鄰家去狂歌夜醉歸

登河中鸛鵲樓

樓中見千里樓影入通津烟樹遙分陝山河曲向秦興
亡留白日今古共紅塵鸛鵲飛何處城隅草自春

漾陂晚望

遠客家水國
此來如到鄉
何人垂白髮
一葉釣殘陽
柳暗鳥乍起
渚深蘭自芳
因知帝城下
有路向滄浪

御定全唐詩卷五百九十六

欽定四庫全書

御定全唐詩卷五百九十七

徐商

徐商字義聲

一云字秋卿

新鄭人擢進士第大中時尚書左

丞咸通四年以兵部尚書同平章事後出為襄州節度
詩一首

賀襄陽副使節判同加章綬

朱紫花前賀故人兼榮此會頗關身同年坐上聯賓榻

宗姓亭中布錦袖晴日照旗紅灼爍韶光入隊影玢璘
芳菲解助今朝喜嫩藥青條滿眼新

句

萍聚只因今日浪荻斜都為夜來風

高璩

高璩字瑩之渤海人登進士第累佐使府大中朝歷丞
郎咸通中守中書侍郎平章事詩一首

和薛逢贈別

劍外綿州第一州尊前偏喜接君留
歌聲婉轉添長恨管色淒涼似到秋
但務歡娛思曉角獨耽雲水上高樓
莫言此去難相見怨別徵黃是順流

句

公齋一到人非舊詩板重尋墨尚新

高湘

高湘字濬之銖從子也擢進士第咸通中歷諫議大夫
僖宗朝終江西觀察使詩一首

和李尚書命妓餞崔侍御

謝安春渚餞袁宏千里仁風一扇清歌黛慘時方醅酌
不知公子重飛觥

句

惟有高州是當家

玉泉子云湘從兄中書舍人湜與路相巖親善而湘厚劉相瞻巖既逐瞻

除不附已者十司戶湘得高州到日憤湜不佑已賦詩云

崔安潛

崔安潛字進之齊州人大中三年進士登第咸通中累

擢忠武節度使拒王仙芝有功代高駢鎮西川終太子太傅謚貞孝詩一首

報何澤

四十九年前及第同年唯有老夫存今日殷勤訪吾子
穩將鬢鬣上龍門

裴劍

裴劍高駢客也官成都節度副使加御史大夫詩一首

題文翁石室

文翁石室有儀形庠序千秋播德馨古栢尚留今日翠
高岷猶藹舊時青人心未肯拋羶蟻弟子依前學聚螢
更歎滄江無限水爭流祇願到滄溟

劉損

劉損咸通時人詩三首

憤惋詩三首

一作劉禹錫
詩題作懷妓

寶釵分股合無緣魚在深淵日在天得意紫鸞休舞鏡
斷蹤青鳥罷銜箋金杯倒覆難收水玉軫傾欹嬾續弦

從此靡蕪山下過祇應將淚比黃泉

鸞辭舊伴知何止鳳得新梧想稱心紅粉尚存香幕幕
白雲將散信沈沈已休磨琢投泥玉嬾更經營買笑金
顧作山頭似人石丈夫衣上淚痕深

舊嘗游處徧尋看覩物傷情死一般買笑樓前花已謝
畫眉牕下月空殘雲歸巫峽音容斷路隔星河去住難
莫道詩成無淚下淚如泉滴亦須乾

鄭愚

鄭愚番禺人咸通中觀察桂管入為禮部侍郎黃巢平
後出鎮南海終尚書左僕射詩二首

幼作

臺山初罷霧岐海正分流漁浦颺來笛鴻逵翼去舟

茶詩

嫩芽香且靈吾謂草中英夜白和烟擣寒爐對雪烹惟
憂碧粉散嘗見綠花生

霍總

霍總咸通時池州刺史詩七首

郡樓望九華歌

樓上坐見九子峰翠雲赤日光溶溶有時朝昏變疎密
八峰和烟一峰出有時風卷天雨晴聚立連連如弟兄
陽烏生子偶成數丹鳳養雛同此名日日遙看機已靜
未離塵躅思真境子明龍駕騰九垓陵陽相對空崔嵬
玉漿瑤草不可見自有神仙風馬來

塞下曲

曾當一面戰頻出九重圍但見爭鋒處長須得勝歸雪
沾旗尾落風斷節毛稀豈要銘燕石平生重武威

關山月

珠瓏翡翠牀白晳侍中郎五日來花下雙童問道傍到
門車馬狹連夜管弦長每笑東家子窺他宋玉牆

驄馬

青驪八尺高俠客倚雄豪踏雪生珠汗障泥護錦袍路
傍看驟影鞍底卷旋毛豈獨連錢貴酬恩更代勞

雉朝飛

五色有名翬清晨挾兩雌
羣羣飛自樂步步飲相隨
覘葉逢人處驚媒妬寵時
綠毛春鬪盡強敵願君知

木芙蓉

本自江湖遠常開霜露餘
爭春候穠李得水異紅葉
孤秀曾無偶一作當門
幸不鉏誰能政搖落繁綵照堦除

採蓮女

舟中採蓮女兩兩催妝梳
聞早渡江去日高來起居

陳琬

陳琬咸通中佐廉使郭常侍銓于徐性耿介不合挈家
居茅山焚香習禪詩一首

別僧

一作留別
蘭若僧

行若獨輪車常畏大道覆止若員底器常恐他物觸行
止既如此安得不離俗

裴虔

一作
乾餘

裴虔餘咸通末佐北門李相蔚淮南幕乾寧初官太常

少卿詩二首

早春殘雪

霽日彫瓊彩，幽庭減夜寒。
梅飄餘片積，日墮晚光殘。
零落偏依桂，霏微不掩蘭。
陰林披霧縠，小沼破冰盤。
曲檻霜凝砌，疎篁玉碎竿。
已聞三徑好，猶可訪袁安。

柳枝詞詠篙水濺妓衣

半額微黃

一作滿額蛾黃

金縷衣，玉搔頭，
裏鳳雙飛。

一作翠翹浮動玉釵

垂從教水濺羅裙，濕還道朝來

一作知道

行雨歸

李嶸

李嶸咸通時人詩一首

獻淮南帥

一作獻
李僕射

雞樹烟含瑞氣凝鳳池波待玉山澄國人久倚東關望
擬築沙堤到廣陵

袁郊

袁郊字之儀朗山人滋之子也咸通時為祠部郎中昭
宗朝為翰林學士詩四首

月

嫦娥竊藥出人間
藏在蟾宮不放還
后羿遍尋無覓處
誰知天上却容奸

霜

古今何事不思量
盡信鄒生感彼蒼
但想燕山吹暖律
炎天豈不解飛霜

露

湛湛騰空下碧霄
地卑濕處更偏饒
管茅豐草皆霑潤

不道良田有旱苗

雲

楚甸嘗聞旱魃侵從龍應合解為霖
荒淫却入陽臺夢
惑亂懷襄父子心

張叢

張叢咸通中官桂管觀察使詩一首

游東觀山

巖岫碧孱顏靈蹤若可攀
樓臺烟靄外松竹翠微間
玉

液寒深洞秋光秀遠山憑君指歸路何處是人寰

馮袞

馮袞東陽人定之子登進士第咸通中歷任臺省嘗為蘇州刺史詩二首

擲盧作

八尺臺盤照面新千金一擲鬪精神合是賭時須賭取不妨回首乞閑人

戲酒妓

醉眼從伊百度斜是他家屬是他家低聲向道人知也
隔坐剛拋豆蔻花

鄭祭

鄭祭字蘊武進士及第累官散騎常侍昭宗時以禮部
侍郎同中書門下平章事詩三首

老僧

日照四山雪老僧門未開凍餅黏柱礎宿火陷爐灰童
子病歸去鹿麋寒入來齋鐘知漸近枝鳥下生臺

題盧州郡齋

九衢塵裏一書生多達達時擁旆旌醉裏眼開金使字
紫旂風動耀天明

別郡後寄席中三蘭

三妓並以
蘭為名

淮淝兩水不相通隔岸臨流望向東千顆淚珠無寄處
一時彈與渡前風

溫庭皓

溫庭皓初為襄陽徐商從事咸通中辟徐州崔彥曾幕

府龐勛反使庭皓草表求節度庭皓拒之遂遇害詔贈
兵部郎中詩四首

觀山燈獻徐尚書

一峰當勝地萬點照巖城勢異崑岡發光疑玄圃生焚
書翻見字舉燧不招兵況遇新春夜何勞秉燭行


九枝應並耀午夜忽潛然景集青山外螢分碧草前輝
華侵月影歷亂寫星躔望極高樓上搖光滿綺筵

春山收暝色燭火集餘輝麗景饒紅焰祥光出翠微白

榆行自比青桂影相依唯有偷光客追游欲忘歸

梅

一樹寒林外何人此地栽春光先自暖陽艷暗相催曉
覺霜添白寒迷月借開餘香低惹袖墮藥逐流杯零落
移新暖颺颺上故臺雪繁鶯不識風裊蝶空迴羌吹應
愁起征徒異渴來莫貪題詠興商鼎待鹽梅



御定全唐詩卷五百九十七

欽定四庫全書

集部

御定全唐詩卷

五百九十八至
六百三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張炳

欽定四庫全書

御定全唐詩卷五百九十八

高駢

高駢字千里南平郡王崇文之孫家世禁衛幼頗修飭
折節為文學初事朱叔明為司馬後歷右神策軍都虞
候秦州刺史咸通中拜安南都護進檢校刑部尚書以
都護府為靜海軍授駢節度兼諸道行營招討使僖宗
立加同中書門下平章事遷劔南西川節度進檢校司

徒封燕國公徙荆南節度加諸道行營都統監鐵轉運
等使俄徙淮南節度副大使廣明初進檢校太尉東面
都統京西京北神策軍諸道兵馬等使封渤海郡王為
部將畢師鐸所害詩一卷

言懷

恨乏平戎策慚登拜將壇手持金鉞冷身挂鐵衣寒主
聖扶持易恩深報効難三邊猶未靜何敢便休官

寄鄠杜李遂良處士

小隱堪忘世上情可能休夢入重城池邊寫字師前輩
座右題銘律後生吟社客歸秦渡晚醉鄉漁去漢陂晴
春來不得山中信盡日無人傍水行

和王昭符進士贈洞庭趙先生

為愛君山景最靈角冠秋禮一壇星藥將雞犬雲間試
琴許魚龍月下聽自要乘風隨羽客誰同種玉驗仙經
烟霞澹泊一作寂寞無人到唯有漁翁過洞庭

依韻奉酬李迪

柳下官資顏子居，閒情入骨若為除。
詩成斬將奇難敵，酒熟封侯快未如。
只見絲綸終日降，不知功業是誰書。
而今共飲醇滋味，消得揶揄勢利疎。

留別彰德軍從事范校書

無金寄與白頭親，節槩猶誇似古人。
未出塵埃真落魄，不趨權勢正因循。
桂攀明月曾觀國，蓬轉西風却問津。
匹馬東歸羨知己，燕王臺上結交新。

途次內黃馬病寄僧舍呈諸友人

官閒馬病客深秋
肯學張衡咏四愁
紅葉寺多詩景致
白衣人盡酒交游
依違諷刺因行得
澹泊供需不在求
好與高陽結吟社
況無名跡達珠旒

遣興

浮世忙忙蟻子羣
莫嗔頭上雪紛紛
沈憂萬種與千種
行樂十分無一分
越外險巖防俗事
就中拘檢信人文
醉鄉日月終須覓
去作先生號白雲

南海神祠

滄溟八千里今古畏波濤此日征南將安然渡萬艘

送春

水淺魚爭躍花深鳥競啼春光看欲盡判却醉如泥

海翻

幾經人事變又見海濤翻徒起如山浪何曾洗至冤

筇竹杖寄僧

堅輕筇竹杖一枝有九節寄與沃洲人

一作僧

閒步青山

月

遣興

把盞非憐酒持竿不為魚
唯應嵇叔夜似我性慵疎

歎征人

心堅膽壯箭頭親
十載沙場受苦辛
力盡路傍行不得
廣張紅旆是何人

湘妃廟

帝舜南巡去不還
二妃幽怨水雲間
當時珠淚垂多少
直到如今竹尚斑

赴安南却寄台司

曾驅萬馬上天

一作靜江

山風去雲回頃刻間今日海門南

面事莫教還似鳳林關

閨怨

人世悲歡不可知夫君初破黑山歸如今又獻征南策
早晚催縫帶號衣

馬嵬驛

玉顏雖掩馬嵬塵冤氣和烟鎖渭津蟬髮不隨鑿駕去

至今空感往來人

宴犒蕃軍有感

蜀地恩留馬嵬哭烟雨濛濛春草綠滿眼由來是舊人
那堪更奏梁州曲

寓懷

關山萬里恨難銷鐵馬金鞭出塞遙為問昔時青海畔
幾人歸到鳳林橋

步虛詞

青溪道士人不識上天下天

一作地

鶴一隻洞門深鎖碧

窗寒滴露研朱點周易

贈歌者二首

酒滿金船花滿枝佳人立唱慘愁眉一聲直入青雲去

多少悲歡起此時

一作酒滿金尊花滿枝雙蛾齊唱鶻
鶻詞清聲揭入雲間去駐得春風花

落
遲

公子邀歡月滿樓一作佳人搗調唱伊州便從席上風

沙

一作秋風

起直到陽

一作蕭

闕水盡頭

入蜀

萬水千山音信希
空勞魂夢到京畿
漫天嶺上頻回首
不見虞封淚滿衣

邊城聽角

席箕風起雁聲秋
隴水邊沙滿目愁
三會五更欲吹盡
不知凡白幾人頭

渭川秋望寄右軍王特進

長川終日碧潺湲
知道天河與地連
憑寄兩行朝闕淚

願隨流入御溝泉

山亭夏日

綠樹陰濃夏日長
樓臺倒影入池塘
水晶簾動微風起
滿架薔薇一院香

蜀路感懷

蜀山蒼翠隴雲愁
鑿駕西巡陷幾州
唯有縈回深澗水
潺湲不改舊時流

殘春遣興

畫舸輕橈柳色新
摩訶池上醉青春
不辭不為青春醉
只恐鶯花也怪人

春日招賓

花枝如火酒如餽
正好狂歌醉復醒
對酒看花何處好
延和閣下碧筠亭

過天威徑

豺狼坑盡却朝天
戰馬休嘶瘴嶺烟
歸路嶮巖今坦蕩
一條千里直如弦

對花呈幕中

海棠初發去春枝
首唱曾題七字詩
今日能來花下飲
不辭頻把使頭旗

寄題羅浮別業

不將真性染埃塵
為有烟霞伴此身
帶日一作月長江好

歸信

一作去

博羅山下碧桃春

塞上曲二首

二年邊戍

一作塞

絕烟塵一曲河灣萬恨新
從此鳳林關

外事不知誰是苦心人

隴上征夫隴下魂
死生同恨漢將軍
不知萬里沙場苦
空舉平安火入雲

廣陵宴次戲簡幕賓

一曲狂歌酒百分
蛾眉畫出月爭新
將軍醉罷無餘事
亂把花枝折贈人

安南送曹別勅歸朝

雲水蒼茫日欲收
野烟深處鷓鴣愁
知君萬里朝天去

為說征南已五秋

對雪

六出飛花入戶時坐看青

一作修

竹變瓊枝如今

一作逡巡

好

上高樓望

一作看

蓋盡人間惡路歧

訪隱者不遇

落花流水認天台半醉閒吟獨自來
惆悵仙翁何處去
滿庭紅杏碧桃開

赴西川途經虢縣作

亞夫重過柳營門
路指岷峨隔暮雲
紅額少年遮道拜
殷勤認得舊將軍

錦城寫望

蜀江波影碧悠悠
四望烟花匝郡樓
不會人家多少錦
春來盡挂樹梢頭

太公廟

青山長在境長新
寂寞持竿一水濱
及得王師身已老
不知辛苦為何人

邊方春興

草色青青柳色濃
玉壺傾酒滿金鍾
笙歌嘹亮隨風去
知盡關山第幾重

塞上寄家兄

棣萼分張信使希
幾多鄉淚濕征衣
笳聲未斷腸先斷
萬里胡天鳥不飛

寫懷二首

漁竿消日酒消愁
一醉忘情萬事休
却恨韓彭興漢室

功成不向五湖遊

花滿西園月滿池
笙歌搖曳畫船移
如今暗與心相約
不動征旗動酒旗

池上送春

持竿閒坐思沈吟
釣得江鱗出碧潭
回首看花花欲盡
可憐寥落送春心

南征叙懷

萬里驅兵過海門
此生今日報君恩
回期直待烽烟靜

不遣征衣有淚痕

風箏

一作題風
箏寄意

夜靜弦聲響
碧玉宮商信任往來風
依稀似曲才堪聽

又被移將

一作
風吹

別調中

平流園席上

畫舸搖烟水
滿塘柳絲輕軟
小桃香却緣龍節
為繫絆
好是狂時不得狂

聞河中王鐸加都統

煉汞燒鉛四十年至今猶在藥爐前不知子晉緣何事
只學吹簫便得仙

句

人間無限傷心事不得尊前折一枝 滿宮多少承恩
者似有容華妾也無 滿身珠翠將何用唯與豪家拂
象牀 何人種得西施花千古春風開不盡

以上見桂
苑叢談

御定全唐詩卷五百九十八

欽定四庫全書

御定全唐詩卷五百九十九

于瀆

于瀆字子漪咸通進士終泗州判官詩一卷

青樓曲

青樓臨大道一上一回老所思終不來極目傷春草

塞下曲

紫塞曉屯兵黃沙披甲卧

一作赤子別父
母犬戎圍邈婁

戰鼓聲未齊

烏鳶已相賀燕然山上雲半是離鄉魂衛霍待一作徒富

貴豈能無

一作清

乾坤

一作誰

與論不知

山村曉思

開門省禾黍鄰翁水頭住今朝南澗波昨夜西川雨牧
童披短蓑腰笛期煙渚不問水邊人騎牛傍山去

馬嵬驛

常經馬嵬驛見說坡前客一從屠貴妃生女愁傾國是
日芙蓉花不如秋草色當時嫁匹夫不妨得頭白

苦辛

一作
辛苦吟

壠上扶犁兒手種腹長飢窗下拋

一作
前擲

梭女手織身無

衣我願燕趙姝化為嫫母姿一笑不值錢

一作
金

自然家

國肥

野蠶

野蠶食青桑吐絲亦成繭無功及生人何異偷飽煖我
願均爾絲化為寒者衣

秦原覽古

耕者戮力地龍虎曾角逐火德道將亨夜逢蛇母哭昔
日望夷宮是處尋桑穀漢祖竟為龍趙高徒指鹿當時
行路人已合傷心目漢祚又千年秦原草還綠

古宴曲

雉扇合蓬萊朝車回紫陌重門集嘶馬言宴金張宅燕
娥奉卮酒低鬟若無力十戶手胼胝鳳凰釵一隻高樓
齊下視日照羅衣一作綺色笑指負薪人不信生中國

南越謠

迢迢東南天巨浸無津壖雄風卷昏霧干戈滿樓船此
時尉佗心兒童待幽燕三寸陸賈舌萬里漢山川若令
交趾貨盡生虞芮田天意苟如此遐人誰肯憐

述已歎

不長不成人及長老逼身履善本求樂及善尤苦辛如
何幽并兒一箭取功勳

遼陽行

遼陽在何處妾欲隨君去義合齊死生本不誇機杼誰

能守空閨虛問遼陽路

旅館秋思

旅館坐孤寂出門成苦吟何事覺歸晚黃花秋意深寒
蝶戀衰草軫我離鄉心更見庭前樹南枝巢宿禽

長城

秦皇豈無德蒙氏非不武豈將版築功萬里遮胡虜團
沙世所難作壘明知苦死者倍堪傷僵屍猶抱杵十年
居上郡四海誰為主縱使骨為塵寃名不入土

田翁歎

一本下
有桑字

手植千樹桑，文杏作中梁。
頻年徭役重，盡屬富家郎。
富家田業廣，用此買金章。
昨日門前過，軒車滿垂楊。
歸來說向家，兒孫竟咨嗟。
不見千樹桑，一浦芙蓉花。

沙場夜

城上更聲發，城下杵聲歇。
征人燒斷蓬，對泣沙中月。
耕牛朝輓甲，戰馬夜銜鐵。
士卒浣戎衣，交河水為血。
輕裘兩都客，洞房愁宿別。
何況遠辭家，生死猶未決。

里中女

吾聞池中魚不識海水深吾聞桑下女不識華堂陰貧
窗苦機杼富家鳴杵砧天與雙明眸只教識蒿簪徒惜
越娃貌亦蘊韓娥音珠玉不到眼遂無奢侈心豈知趙
飛燕滿髻釵黃金

寒食

二月野中芳凡花亦能香素娥哭新塚樵柯鳴柔桑田
父引黃犬尋狐上高岡墳前呼犬歸不知頭似霜

邊遊錄戍卒言

二十屬盧龍三十防沙漠平生愛功業不覺從軍惡今
來客鬢改知學彎弓錯赤肉痛金瘡他人成衛霍目斷
望君門君門苦寥廓

古征戰

高峰凌青冥深穴萬丈坑皇天自山谷得人心平齊
魯足兵甲燕趙多娉婷仍聞麗水中日日黃金生苟非
夷齊心豈得無戰爭

山村叟

古鑿巖居人一廛稱有產雖霑中覆形不及貴門犬驅
牛耕白石課女經黃繭歲暮霜霰濃畫樓人飽煖

戍客南歸

北別黃榆塞南歸白雲鄉孤舟下彭蠡楚月沈滄浪為
子惜功業滿身刀箭瘡莫渡汨羅水回君忠孝腸

經館娃宮

館娃宮畔顧國變生嬌妒句踐膽未嘗夫差心已誤吳

亡廿已矣一作昔誰在越勝今何處當時二國君一種江邊墓

村居晏起

村舍少聞事日高猶閉關起來花滿地戴勝鳴桑間居安即永業何者為故山朱門與蓬戶六十頭盡斑

感懷

採薇易為山何必登首陽濯纓易為水何必泛滄浪貴崇已難慕諛笑何所長東堂桂欲空猶有收螢光

金谷感懷

黃金驕石崇與晉爭國力更欲住人間一日買不得行
為忠信主身是文章宅四者俱不聞空傳墮樓客

恨從軍

不嫁白衫兒愛君新紫衣早知遽相別何用假光輝已
聞都萬騎又道出重圍一軸金裝字致君終不歸

燒金曲

天壽畏不永燒金希長年積土培枯根自謂松柏堅南

陌試腰裏西樓歌嬋娟豈知蔓草中日日開夜泉

子從軍

男作鄉中丁女作鄉男婦南村與北里日日見父母豈似從軍兒一去便白首何當鑄劍戟盡得丁男力

越溪女

會稽山上雲化作越溪人枉破吳王國徒爲西子身江邊浣紗伴黃金扼雙腕倏忽不相期思傾趙飛燕妾家基業薄空有如花面嫁盡綠窗人獨自盤金線

巫山高

何山無朝雲彼雲亦悠揚何山無暮雨彼雨亦蒼茫宋
玉恃才者憑虛構高唐自垂文賦名荒淫歸楚襄峩峩
十二峰永作妖鬼鄉

織素謠

貧女苦筋力縲絲夜夜織萬梭爲一素世重韓娥色五
侯初買笑建章方落籍一曲古涼州六親長血食勸爾
畫長着學歌飽親戚

擬古諷

洛陽大道傍甲第何淡邃南畝無一廛東園有餘地春
溪化桃李秋沼生荷芰草木本無情此時如有爲旱苗
當壟死流水資嘉致余心甘至愚不會皇天意

贈太行開路者

手斲太行山心齊太行巔斲盡太行險君心更摩天何
如回苦辛自鑿東舉田

戍卒傷春

連年戍邊塞過却芳菲節東風氣力盡不減陰山雪蕭
條柳一株南枝葉微發爲帶故鄉情依依藉攀折晚風
吹磧沙夜淚啼鄉月凌煙閣上人未必皆忠烈

富農詩

濱寓居堯山南六十里里有富農得氏琅琊人指
其貌此多藏者也積粟萬庾馬牛無算血屬星居
於里土生不遺死不贈環顧妻孥意與天地等故
作是詩用廣知者

長聞鄉人語此家勝良賈骨肉化飢魂倉中有飽鼠青
春滿桑柘旦夕鳴機杼秋風一夜來累累聞砧杵西鄰
有原憲蓬蒿遠環堵自樂固窮心天意在何處當門見
堆一作子已作桑田王安得四海中盡爲虞芮土

早發

綠野含曙光東北雲如茜栖鴉林際起落月水中見此
身何自苦日日凌霜霰流蘇帳裏人猶在陽臺畔

季夏逢朝客

澹水桃李熟杜曲芙蓉老九天休沐歸腰玉垂楊道避
路迴綺羅迎風嘶騷裏豈知山谷中日日吹瑤草

隴頭水

一作吟

行人何徬徨隴頭水嗚咽寒沙戰鬼愁白骨風霜切薄
日朦朧秋怨氣陰雲結殺成邊將名名著生靈滅

古別離

入室少情意出門多路歧黃鶴有歸日蕩子無還時人
誰無分命妾身何太奇君為東南風妾作西北枝青樓

鄰里婦終年畫長眉自倚對良匹笑妾空羅幃

郎本東家兒妾本西家女對門中道間終謂無離阻豈
知中道間遣作空閨主自是愛封侯非關備胡虜知子
去從軍何處無良人

擬古意

白玉若無玷花顏須及時國色久在室良媒亦生疑鵝
髮未成髻鸞鏡徒相知翻慙效顰者却笑故人遲

隴頭吟

一作水

借問隴頭水終年恨何事深疑嗚咽聲中有征人淚自

昔蘊長策況我非才智無計謝潺湲一宵空不寐

後四句一

作昨日上山下達曙不能寐
何處接長波東流入清渭

思歸引

不耕南畝田為

一作誤

愛東堂桂身同樹上花一落又經

歲交親日相薄知己恩潛替日開十二門自是無歸計

秦富人

高高起華堂遠遠引流水糞土視金珍猶嫌未奢侈陋

卷滿蓬蒿誰憐有顏子

對花

一作武瓘詩
題云感事

花開蝶滿枝花落蝶還稀惟有舊巢燕主人貧亦歸

宮怨

妾家望江口少年家財厚臨江起珠樓不賣文君酒當年樂貞獨巢燕時為友父兄未許人畏妾事姑舅西牆鄰宋玉窺見妾眉宇一旦及天聰恩光生戶牖謂言入漢宮富貴可長久君王縱有情不奈陳皇后誰憐頰似

桃孰知腰勝柳今日在長門從來不如醜

御定全唐詩卷五百九十九